

廣陵醫案

附太乙神鍼

全塘錢扇散方



廣陵醫案

廣陵醫籍叢刊
第二輯出四己巳
金秋景印出版

前言

《廣陵醫案》者，天都汪廷元（字璘樂，晚號赤崖老人）所記醫案之一也。先生祖籍徽州，於乾嘉間來揚州行醫，屢起沉疴，聲名大振。晚年，其友金養泉、吳並山兩先生勸其梓行醫案，嘉惠後進。君乃選其匠心獨運之案，分兩冊，以新安、廣陵取名。由其子名萼，字晋三者錄校，其姪名藻，字繹亭者，楷書精刻，頗具詩局遺風。版式固悅目，而內容尤精湛。

君學有淵源，家世儒而兼醫。年十七，其父病危，遺命以醫為業。庶繼世澤，君乃於苦塊讀禮之

餘，重溫舊讀醫經，旁及歷代名家醫籍。遂決心棄儒而專攻活人之術，深得新安明清諸醫之三昧，傳其法乳。擷其精英，故臨症平正可取；對急症、大症、危症、奇症之治療，一如兵家之指麾若定，故後學讀之，多所啓發。惜傳本無多，堪稱珍本。

綜觀汪氏所治之案，合計三十有三，內容則兼收內、外、婦、兒，以及七竅諸病，包羅至廣，患者多係知名之士。試借以申述一二與揚州有關之軼事。

書中第一案為白大總戎，第五案為白夫人。第六案為白世兄。大總戎，即白公雲上（凌蒼亦字秋齋）也。乾嘉間，任漕標中軍副將，駐劄揚州，關

心民瘼，尤致力於救火。迄今街道仍有水倉，太平缸等設置，皆公之創辦，故遺愛在民。汪中（容甫）先生《述學》中，有《揚州營遊擊白公頌》；《國朝先正事畧》中，亦有白協戎雲上之事略；《清史稿》中，亦列其傳，備極稱道。白公墓葬在堡城之北，雷塘之南，名荷葉地，地勢極佳，當地居民稱之為白家墳。被盜掘後，白氏夫婦均未腐爛；白則銀鬚飄拂，手握沉香所雕小圓盒，臍上猶存膏藥一帖，衣着仍新。

戊子（一九四八）春，余出郭掃墓，聞管墳人言及，遂往訪查。時尸體已埋，僅於草堆中見一棺一石。棺為坤棺，杪木製，石則白公秋齋之墓誌也。

解放後，經予建議將其嵌於史閣部祠之壁間。白氏有子二人，長名守清，次名守廉，分葬於昭穆二穴。當時並未掘出，於壙碣中知之。此冊醫案中，既有白公夫婦，又有其公子，故余倍感興趣。今以此實吾《廣陵醫籍叢刊》，並將白氏墓之發現，附記於上，備祖述揚州醫派之參攷，關心揚州掌故者之採摭焉。

戊辰惊蛰節揚州耿鑑庭序於頤和園

廣陵醫案摘錄目次

大總戎白大人左脇肋積塊痛甚不休肌肉俱脫

治驗

吳峴山先生病癰治愈本末

吳鳳山兄病溫正虛用補急救

黃研亭兄脾胃之陽大傷食入反出

巴文茂兄乃愛病熱煩渴舌胎黑潤火極似水

白大人夫人痰嗽不食不寐不大便十有餘日

白大世兄右足膝下腫大如瓜筋攣骨痛潰膿收

口膝曲筋短而不伸 又出疹三日色變淡胃

中痛為邪陷而不能透表

家紹衣兄年十七暑月中風

胡會涇學兄濕熱痛痺忽胃腕急痛自疑為汗脫
症 後頸項起瘰癧腫硬作痛久不愈

家腹吉姪齒痛連腦

蘇在年兄乃室病腳氣體厥暴死二日

提臺馬大人寒濕腹痛將欲作痢

江元韜姻翁令姪女暑熱悞治已見虛脫之機

洪燕亭姻翁先生疽發於背為半陰半陽重症

洪庚原世學兄病不治本末

黃顥仰兄尊堂咽痛重舌筋腫麻木為君相之火
金養泉先生二公郎脇痛引腰背

方贊武兄哮喘扶虛

林某內人脇與少腹痛發厥兩目不見物

程少繇兄令政小產後正虧惡露不斷澹泄不止

吳廷璧翁大乃郎瘡後喘汗而脫

徐與巖先生三公郎時熱以色脉預斷不治

畢起新家人之婦姪娘服毒藥行胎危症

江南耀兄少腹痛厥逆囊縮最為疑難易悞

洪文典世兄暑熱時行

吳少崐學兄咳嗽咽痛潮熱見血失音幾成風勞

之症

吳涵齋先生腹痛為食積補之則逆

守府龔公如夫人病以脉知其懷子

馬旌揚兄令政產後齟腫咽痛為寔火不宜概用

溫補

羅舜章兄壯年已中二次復舌不能伸小便不禁
徐棣存兄病傷寒醫不責其虛但攻其邪喘脫而
死

畢峻功翁患痢復自汗不止治驗

吳繡泉兄之使受暑悞治致汗喘交作

附傷寒雜病禁食辨

彭 斐 洒 信 香
二 科



廣陵醫案摘錄

天都赤崖汪廷元瓚禾甫著

大總戎凌蒼白公官揚州勞績素著商民兵弁愛之
如慈父母焉庚寅溽暑病瘡三發截止邪有未盡
續生熱瘡如桃李者十餘潰膿將愈聞民間失火
公往救之火熄跨馬過橋馬忽驚躍左脇肋即刺
痛難忍回署後其痛不止視肋下膨急有形全身
不能動彈已逾半月始延山西朱君繼以邵伯黃
君或言瘡痞或言腸癰藥俱未效晝夜呻吟肌肉

大脫而積塊乃大如盤堅如鐵矣最後請鎮江蔡
君堅辭不治而去時張蔚彤先生薦予於公乃
以簡相招一見如舊診脉畢乃告公曰此五病也
人言為痞為癰請為公辨之蓋瘡痞起於瘡時脹
多痛緩腸癰多在少腹臍旁必無寒熱淋瀝今公
病得之馬上傷絡惡血內留且痛有常處而不移
脉左關沉瀦其為血積無疑也然公以英偉之姿
因痛劇傷中致日食無幾體為瘦減宜望之欲走
矣所幸兩尺脉未大壞面黃不枯猶有當生之理

但此時雖有急病難用急法惟緩攻而徐圖之公
聞言而唯唯乃以歸尾川芎桃仁肉桂紅花青皮
澤蘭等通絡脉而逐瘀大便秘少加大黃數劑後
大便果下五條兼有黑糞又間以甘溫為劑養胃
氣以佐之痛勢漸減食亦漸進似日有起色矣忽
一夜公遣卒傳請甚急予起視之公魄汗淋漓色
慘聲嘶六脉沉微因細詢之公向有胃痛症晚間
食梨稍多覺脇痛已緩而中腕痛不可當柰何予
曰此易與耳方用茯苓炮薑木香砂仁沉香炙甘

草與海寧查先生坐牀前服藥少頃痛已如失公
喜曰劑何神也適以制臺大人來揚閱兵公自朝
至日晷不得消息怒鬱憤懣脇痛復甚予仍主前
方叅用逍遙於是痛又大減未幾其萌生一癰乃
兼延朱君丙南治其外焉予謂公病久正傷況積
已衰其大半而癰從末治唯宜八珍加減調和氣
血則餘積當自除朱君明理之士亦以為然服後
其癰僅去膿杯許旋即生肌歛口而積乃摧剛為
柔潛消暗殄脉症日以向安再與十全養榮補養